

**Ei wneud
yn iawn**

**Byw gyda'ch gilydd?
Yn cael budd-dal?
Rhowch wybod i ni.**

Mae'r gyfraith yn newid

Mae'r gyfraith yn newid yn ddiweddarach eleni - o 5 Rhagfyr 2005, fel pâr un-rhyw, byddwch yn gallu ennill cydnabyddiaeth am eich perthynas. Byddwch yn gwneud hyn drwy ffurfio partneriaeth sifil, berthynas gyfreithiol newydd ar gyfer dau berson o'r un-rhyw.

Os byddwch yn penderfynu ffurfio partneriaeth sifil gallai hyn effeithio ar eich budd-daliadau.

Os na fyddwch yn ffurfio partneriaeth sifil, ond yn byw gyda'ch gilydd fel cwpl, gallai hyn effeithio ar eich budd-daliadau hefyd.

Os ydych chi a'ch partner un-rhyw yn byw gyda'ch gilydd fel cwpl, rhaid i chi gysylltu â'r swyddfa sy'n delio â'ch budd-dal.

Mae'r ffurflen hon yn rhoi arweiniad cyffredinol yn unig ac ni ddylai gael ei thrin fel datganiad cyflawn o'r gyfraith.

Sut y gallai'r newidiadau hyn
**effeithio ar fy
mudd-daliadau?**

Ble y gallaf
**gael mwy o
wybodaeth?**

Sut y gallai'r newidiadau hyn effeithio ar fy mudd-daliadau?

Budd-daliadau ar Sail Incwm

Wrth fudd-daliadau ar sail incwm golygwn:

Cymhorthdal Incwm, Lwfans Ceisio Gwaith (ar sail incwm), Credyd Pensiwn, Budd-dal Tai neu Fudd-dal Treth Cyngor.

O 5 Rhagfyr 2005, bydd y rheolau am hawlio'r budd-daliadau hyn yn newid:

- os ydych yn bartner sifil, rhaid i chi a'ch partner hawlio fel cwpl
- os ydych yn cael unrhyw un o'r budd-daliadau hyn pan fyddwch yn ffurfio eich partneriaeth sifil, bydd yn rhaid i chi hawlio fel cwpl
- os ydych yn byw fel cwpl gyda rhywun hyd yn oed os nad ydych yn bartneriaid sifil, bydd yn rhaid i chi hawlio fel cwpl

Os yw unrhyw un o'r rhain yn berthnasol i chi, rhaid i chi ddweud wrth y swyddfa sy'n delio â'ch budd-dal cyn gynted ag y gallwch.

Pensiwn y Wladwriaeth

O 5 Rhagfyr 2005, bydd gan bartneriaid sifil y rhan fwyaf o'r un hawliau o ran pensiwn y wladwriaeth ag sy'n berthnasol i wŷr a gweddwon. Am wybodaeth bellach dylech gysylltu â'r swyddfa sy'n delio â'ch pensiwn.

Budd-daliadau Profedigaeth

O 5 Rhagfyr 2005, os ydych yn cael Budd-dal Profedigaeth ac rydych yn ffurfio partneriaeth sifil, neu'n byw fel cwpl gyda phartner unrhyw, mae angen i chi gysylltu â'r swyddfa sy'n delio â'ch budd-dal.

Budd-dal Gwraig Weddw

O 5 Rhagfyr 2005, os ydych yn cael Budd-dal Gwraig Weddw ac rydych yn ffurfio partneriaeth sifil, neu'n byw fel cwpl gyda phartner unrhyw, mae angen i chi gysylltu â'r swyddfa sy'n delio â'ch budd-dal.

Budd-daliadau Eraill

O 5 Rhagfyr 2005, os ydych yn cael budd-daliadau megis Budd-dal Analluogrwydd, Lwfans Gofalwr, Lwfans Mamolaeth, Lwfans Anabled Difrifol ac Atodiad i'r Anghyflogadwy, ac mae cynnydd dibyniaeth oedolyn yn daladwy ar gyfer priod, mae'n bosibl y byddwch yn gallu cael rhagor ar gyfer eich partner sifil.

Gofynnwch am hyn yn y swyddfa sy'n delio â'ch cais.

Cynnal Plant

O 5 Rhagfyr 2005, bydd partneriaid sifil sy'n rhieni yn cael eu trin yn yr un ffordd â phartneriaid priod ar gyfer Cynnal Plant. Hefyd, bydd rhieni sy'n byw gyda phartner unrhyw hyd yn oed pan nad ydynt wedi ffurfio perthynas sifil yn cael eu trin yn yr un ffordd â rhieni sy'n byw gyda phartner o'r rhyw arall, ond nad ydynt yn briod â'i gilydd. Yn ddibynnol ar eich sefyllfa, gallai hyn effeithio ar y swm o gynhaliaeth a delir ar gyfer eich plentyn. Am wybodaeth bellach dylech gysylltu â'r Asiantaeth Cynnal Plant.

Ble y gallaf gael mwy o wybodaeth?

Cysylltiadau Defnyddiol

Mae mwy o wybodaeth am bartneriaeth sifil ar wefan Uned Merched a Chydraddoldeb, yr Adran Masnach a Diwydiant:

www.womenandequalityunit.gov.uk

Gwefannau eraill:

www.dwp.gov.uk am wybodaeth gyffredinol am fudd-daliadau

www.adviceguide.org.uk Gwefan y Ganolfan Cyngor ar Bopeth - am gyngor ar lein ac i ddog o hyd i'ch canolfan leol, neu edrychwch o dan 'C' yn eich llyfr ffôn.

www.direct.gov.uk

Rhifau Ffôn

Llinell Ymholiadau Budd-dal

0800 882200

Os oes gennych anawsterau clywed neu leferydd, ffôn testun 0800 243355

Asiantaeth Cynnal Plant

08457 133133

Os oes gennych anawsterau clywed neu leferydd, ffôn testun 08457 138924

Y Gwasanaeth Pensiwn

0845 6060265

Os oes gennych anawsterau clywed neu leferydd, ffôn testun 0845 6060285

Mae'r Adran Gwaith a Phensiynau yn ymrwymedig i ddarparu gwasanaethau sy'n croesawu amrywiaeth ac sy'n hybu cyfle cyfartal. Fel cyflogwr rydym hefyd yn ymrwymedig i gydraddoldeb a gwerthfawrogi amrywiaeth o fewn ein gweithlu. Ein nod yw sicrhau bod yr ymrwymïadau hyn, a atgyfnerthir gan ein gwerthoedd, yn cael eu cynnwys yn ein gwaith o ddydd i ddydd wrth ddelio â phob un o'n cwsmeriaid, cydweithwyr a phartneriaid.

Cynhyrchwyd y wybodaeth hon ar y cyd gyda Chyngor ar Bopeth a'r Adran Gwaith a Phensiynau a'i busnesau: Asiantaeth Cynnal Plant, Gwasanaeth Anabledd a Gofalwyr, Y Ganolfan Byd Gwaith a'r Gwasanaeth Pensiwn.

ISBN: 1-84388-619-7